



Broj:01-2-3107/13
Sarajevo, 13.09.2013. godine

MEDIJIMA

Predmet : Informacija za medije

BANKARSKI SEKTOR FEDERACIJE BiH U PRVOJ POLOVINI 2013.GODINE

Sa 30. 06. 2013. godine u Federaciji BiH bankarsku dozvolu imalo je 17 banaka. Bilansna suma bankarskog sektora sa 30. 06. 2013. godine iznosila je 14,9 milijardi KM i manja je za 0,8% ili 122 miliona KM u odnosu na kraj 2012. godine. Poslije minimalnog rasta kredita u 2012. godini, i u prvoj polovini 2013. godine zabilježen je neznatan rast od 0,9% ili 98 miliona KM. Krediti su sa 30. 06. 2013. godine iznosili 10,8 milijardi KM i njihovo učešće u aktivi je povećano za 1,3 procentna poena i iznosi 72,4% . Novčana sredstava su u posmatranom periodu zabilježila pad od 3,7% ili 145 miliona KM i sa 30. 06. 2013. godine iznosila su 3,8 milijardi KM, a njihovo učešće u aktivi je smanjeno sa 26,4% na 25,7%. Ostvareni pad rezultat je navedenog odliva depozita i plaćanja kreditnih obaveza. Depoziti, iako su zabilježili pad u prvoj polovini 2013. godini u iznosu od 98 miliona KM ili 0,9%, i dalje su najznačajniji izvor finansiranja banaka u F BiH, sa učešćem od 73,1% u ukupnoj pasivi banaka i iznosom od 10,9 milijardi KM. U istom periodu štedni depoziti su iznosili 5,9 milijardi KM, što je za 3% ili 171 milion KM više nego na kraju 2012. godine. Kreditne obaveze banaka u prvoj polovini 2013. godini, bilježe pad od 111 miliona KM ili 9,7% u odnosu na kraj 2012. godine, tako da su sa 30. 06. 2013. godine iznosile 1,03 milijarde KM ili 6,9% od ukupnih izvora finansiranja. Na nivou sistema, ukupan kapital imao je rast od 2,2% ili 48 miliona KM i iznosio je 2,3 milijarde KM dok je regulatorni iznosio 2,2 milijarde KM i povećan je za 2% ili 36 miliona KM u odnosu na kraj 2012. godine, Na nivou bankarskog sistema u F BiH u prvoj polovini 2013. godine ostvaren je pozitivan finansijski rezultat u iznosu od 82,7 miliona KM što je prvenstveno rezultat primijenjenog novog metodološkog pristupa (implementacija MRS 37/39).

URED FBA ZA INFORMIRANJE